



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**

**August. Vind. [u.a.], 1764**

**VD18 90118049**

§. 12. S. Elisabetha Hungarica.

---

[urn:nbn:de:hbz:466:1-66268](https://nbn-resolving.de/urn:nbn:de:hbz:466:1-66268)

**Sæcul.XIII.** *bet annuo centum librarum censu fruatur.*  
**A.C.1231.** *Et postea: Vetamus omnino, ne vobis cum  
 Romanis negotium sit: alioqui vobiscum  
 haud mitius, quam cum illis agemus, &  
 bona vestra igni dabimus. Similis episto-  
 la inscripta erat iis, qui Romanorum be-  
 neficia conduxerant, & cum eadem com-  
 minatione eos jubebat deinceps nihil his  
 reddere, sed annuos fructus reservare  
 conspirantium procuratori certo die tra-  
 dendos.*

## §. XII.

*S. Elisabetha Hungarica.*

**I**n Germania S. Elisabetha Thuringorum  
 Dynastæ vidua vitam brevem sed re-  
 ligiosissimam cum æterna commutavit.  
 Erat Andreæ Hungarorum Regis filia,  
 mox a cunis Ludovico Comitis Provin-  
 cialis filio desponsa, ad quem quadrima  
 mittebatur. Ab infantia ad virtutem  
 propendens in matrimonio miræ pietatis  
 exercitia prosequebatur consentiente ju-  
 vene Principe marito suo, qui etiam ipse  
 sumnum in probitate studium ponebat.  
 Ejusdem bona cum venia, cuiusdam san-  
 cti Sacerdotis Conradi nomine celebris  
 concionatoris ductu & consiliis utebatur,  
 eique obedientiam promisit: qui vero  
 autoritatem suam præcipue ad mode-  
 randum nimium Elisabethæ ardorem ad-  
 hibebat.

hibebat. Tres ea genuit liberos, Her-  
mannum, qui patri successit, duasque fi-  
lias, Sophiam, quæ Duci Brabantiae nu-  
psit, & aliam, quæ coenobium ingressa fa-  
cram Deo virginum antistita seu Abba-  
tissa evasit. Quando Elisabetha a puer-  
perio prodiit, sobolem ipsa suam in tem-  
plum detulit offerendum Deo.

Occupare se consueverat e colu-  
næ fila ducendo, conficiendis pannis i-  
donea, quos dein inter pauperes, præser-  
tim in Fratres Minores distribuit. Cum  
Germaniam anno 1225 fames premeret,  
omne frumentum e suis collectum terris  
dari egenis jussit absente conjugi, qui in  
Apulia apud Fridericum Cæsarem com-  
morabatur, ac reversus Principis miseri-  
cordiam laudavit rejectis administrato-  
rum querimonii. Pauperes infirmos in  
arce monti alto imposita stipem quæren-  
do impares solatura, inferius hospitalem  
domum erigi curavit, ubi eorum commo-  
dis ipsamet serviebat, & singularem in-  
fantium gerebat curam. Nongentos quo-  
tidie inopes alebat. Marito in Apulia,  
ut ad annum 1227 memoravi, vita fun-  
sto, Henricus frater ejus possessionem  
Thuringiæ adiit (id quod Hermanno de-  
mortui filio quadrimo fraudi fuit) ac E-  
lisabetham bonis omnibus spoliatam e-  
castro Wartberga, ubi habitabat, ejecit,  
ita, ut in quoddam Lisenaci vicinæ urbis

*Sup. Lib.  
LXXIX.*

*s. 36.*

*Hist. Landg.*

*c. 41.*

*c. 40.*

**Sæcul. XIII.** diversoriolum se abdere cogeretur, præ  
A.C. 1231. metu irritandi Principis nemine eam recipere auso. In miseriarum cumulum missi sunt ei tres liberi sui; atque ita aliquod tempus in summa inopia, sed mira prorsus patientia egit. Quo comperto eam primum cognata sua Abbatissa Kitzingæ in Diœcesi Würzburgenſi, deinceps Bambergensis Episcopus pariter propinquus suus ad se vocatam omnibus benignitatis officiis coluit, etiam secundas ei nuptias offerens, quod ætate tam florētem cerneret: nam viginti annos nata maritum amiserat: sed constanter recubabat.

Interea illi, qui Ludovicum in itinere comitati fuerant, ejus ossa in Thuringiam advexerunt: & quidam eorum Henrico tantam erga suam affinem inhumanitatem ita exprobravit, ut is facti poenitentia ductus Elisabethæ in arcem Wartbergam reductæ magnam deinceps reverentiam amicitiamque exhiberet. At ipsa pertæsa honores in eo castro sibi haberi solitos, anno sequente 1229 petita ab Henrico dote sua Marburgum ad Conradum rectorem suum se contulit. Tum Gregorius Papa de virtutibus Principis hujus edocitus, & solarium ei per litteras animumque attulit, & suum sponsavit præsidium, & Conrado eam commendavit. Hic sanctus Sacerdos ani-

6. 42.